

南宮縣志

甯夏縣志卷十六目錄

物篇

德行列傳

共一百四十五人

土翰 李萬奴 白友諒 齊仁美 關貞

韓繼芳 齊舜臣 安惟志 孔道立 孔道源

張庚 白若驚 白珮 宋似韓 李從龍

白文傑 賈還素 閻斌 高文友 張文炳

魏世興 郝萬全 王晨 張愿 陳作楫

李福成 孫仲聖 劉同 韓士琰 張鳳翥

孫春泰 張守本 張修茂 石廷勛 李松青

張文炳 趙梅 穆國賢 焦文成 彭致誠

趙魯典

馬九圍

以上孝友

張廷玉

崔 欽

李 楨

韓 珂

王 技

鮑 國

孟從儒

錢 勵

鮑宏謨

乞文華

李還醇

張太和

關萬化

楊日昇

趙 曄

王 夏

宋家允

范 銓

齊振英

馮良翰

齊維翰

尹 志

李 鐸

王紹宗

周紹謨

張鵬翔

魏國琬

劉中選

張聚美

王兆瑛

潘 珍

王修讓

鮑致中

王會先

鄒 檀

陳蘭亭

陳文炳

王兆槐

謝安泰

齊世松

齊夢龍

蓋盡才

李 坤

王嘉善

李 瑤

毛 顏

毛德潤

馬振業

董景和

郝開周

陳泰然 陳書聲 張鴻達 李維達 劉士魁

閻增修 李鳳年 高鳳山 李宗惠 張從上

郝成修 陳繼祖 張晉英 齊文煜 華文綱

李鵬霄 李永敬 魏履初 馮清汪 李壽朋

孫長泰 韓澤恩 張芳圃 趙申年 馬本魁

安振邦 張瀛洲 杜庭輝 李榮恩 以上任郎

孔環 崔燦 張進寶 劉有瀾 閻汝茂

賈還樸 尹倫 李之琳 李光國 白若鵬

韓允祺 連報 李顯祖 李永慶 李廷梅

岳冬泰 陳泰來 王來誠 王鶴鳴 王元振

鄭西甫 于光昕 韓真英 王彥文 以上忠義

南宮縣志卷十六

鹽山賈恩紱編輯

文獻志

人物篇中

記有之太上立德其次立功其次立言此千古論定
人物之標準也舊志於人物率分門類而先後輕重
不厭人意且或失之繇碎光緒志不分類別以年代
爲次似無可議矣顧方志之人物以觀感後起爲重
不爲類別無以興後人思齊之念亦未爲得也茲標
三不朽爲綱一曰德行二曰名績三曰文苑一綱之
中更有異趨者則亦各以類從俾讀是編者得知其

南宮縣志 卷一
注重之要則有以興其廉頑立懦之思有心者其亦有樂於此乎

德行列傳

孝友
忠義

任卹

德行之所該較廣有不能併爲一談者茲卽本傳所詳者約略分爲三目一曰孝友人生立品莫大乎是故首列之其品格與孝友相近者則爲長者有道之徒以其無多人也不更標目附於孝友之列非雜廁也次曰任卹一方人物無多六行之中惟任卹尙爲習見故次之三日忠義與兩目皆不爲類然亦德行中之一也故又次之又前志皆首列南宮适适雖德行中人而漢取縣名之意已失

其傳不得以風馬牛不及之魯人強爲埒會說詳沿革下茲篇不載南宮子從其實也

五代王翰五代時人母失明醫云必得人目睛補之翰自抉

右睛附母目目爲復明宋淳化中詔賜粟帛

參畿輔志

明李萬奴天性純孝洪武初母疾劇計無所出禱於神割左腋取肝少許以療母母病尋愈萬奴亦無恙人以爲至孝所感詔旌其門

白友諒恭敏公父靖難兵起隨父母避兵林莽間時臘月父以友諒生日命友諒侍母歸家祀先中途遇兵友諒泣告曰吾生死惟命幸勿害吾母兵義之釋其母以友諒從行數里友諒念母泣不止亦釋之因母子相失友諒尋母至兩月始

得於草野間不火食者已踰旬矣竟得俱生與父相見後友
諒弟友直當從軍轉餉友諒以弟無子願代弟行母不許友
諒壻吳彬慨然以身代之比返友諒分家貲之半以酬其勞
後以子圭貴封如其官

齊仁美性孝友好施宣德中出粟一千五百石助賑詔賜冠
帶每遇清明輒鬻棺以掩骼埋胔有弟幼悉割己田與之遠
近服其義雍正二年崇祀忠義孝悌祠

胡志參
畿輔志

關貞關震子方娠而父卒母張撫貞及長以孝聞正德中流
賊入城獲其母子欲殺之母謂賊曰我夫歿三月而生此子
願殺我勿殺子貞泣曰母撫貞孤苦願殺貞勿殺母賊義而

俱釋之

胡志參
畿輔志

韓繼芳嘉靖間以廬墓爲知縣葉恆嵩旌隆慶間知縣胡嘉謨又旌其門萬厯初巡按御史移檄獎之

畿輔志

齊舜臣年甫童齡以孝聞遇時物必先獻親而後食父異之因以舜臣爲名母孔氏疾徧禱神祠願以身代及卒不食者累日哀毀骨立父昇病痢五年汙穢狼藉舜臣躬自澣濯侍湯藥扶持卧起厯久不懈時舜臣未有子父將絕仰而歎曰天平以我子舜臣之孝肯令乏嗣乎父卒後舜臣夢神賜李二尋生二子眾以爲孝感所致事繼母李尤篤撫一弟二妹無異同胞隆慶六年本縣聞於巡按御史旌其門

胡志參
畿輔志

安惟志少喪父事母胡至孝母疾詣廟禱曰生早喪父恃母爲命今母病亟願以身代母思肉急不能得遂割股肉躬烹

南宮縣志 卷一 三
進母母啖而甘之病尋愈年八十四卒隆慶六年本縣聞於

巡按御史給粟帛旌其門

胡志

孔道立郡庠生隆慶中父歿躬負土築墳寢卧其側者三年朝夕取水爲供苦汲道遠墓旁有古井掘之甘泉湧出人以

爲孝感諸生具聞有司旌其門

胡志參
畿輔志

孔道源廬母墓三年足跡不窺戶庭惟一犬隨廬中乏薪水則爲書繫犬頸帶之馳歸家人卽時應給時人感歎異之

胡志

參畿
輔志

張庚字文西母劉氏夢星大如斗隕於懷驚覺而生庚父早卒劉氏撫之年十七補弟子員博涉書史以聖賢自負性至孝晨夕必定省朔望必拜母他往則拜母之衾枕暑恆衣冠

正襟危坐讀書若起聖賢於千古而面相訂質者忘寢廢食如是二十載著四書庸言詩經庸言多前賢所未發舉德行復舉孝子縣令邢侗手書額其門聘爲弟子師欲以妹爲庚繼室庚力辭令益敬之嘗語人曰南宮張秀才讀書三十年寢處不愧其形影郭有道之流亞也又館於撫院張鹵歎爲眞正理學奇才天產遇之甚厚指揮某犯法囑要人詣鹵緩頰鹵言必庚居間乃可指揮聞之詣庚懇求願持千金爲壽庚持不可力卻之萬厯七年舉人十四年進士試性命策主司稱庚與袁黃作爲僅見極參理奧膾炙人口推爲一代眞儒選澠池知縣未就再補褒城縣知縣執法不阿愛民如子以母老乞養歸廬舍蕭然如未仕時其讀書處自爲楹聯曰

道脈衍爲家國心田留與子孫耕

胡志參
畿輔志

白若鷺字洛溟坪曾孫父早世母李撫之定省之餘發憤力學萬厯三十七年登鄉薦母喜曰是可以慰爾父於地下矣鷺感然曰兒未能逮事大人罔極未報奚足云無忝耶會母卒無意仕進以貧故署邯鄲教諭未幾卒鷺孝友奉母備極承順慟父早世祭享必虔潔撫兄遺孤衣食咸出己子右鷺卒貧不能葬邑人侍御賈公爲之經紀其喪復置田以贍其子孫

白珙事親孝夕則手展衾枕晨則卷之茶必親爇白一日不見父母則慟然不樂厯三十餘年如一日

宋似韓字侶弼邑增廣生聰慧好學志潔行芳田僅百畝下

能自給少失怙罄私蓄以營喪菽水奉母承顏順志怡如也
讀書遇不平事輒扼腕慷慨外沖虛而內篤摯卒以數奇不
售賁志以歿天放散人丁繹爲作貧士傳一時名士題跋甚
眾

李從龍號賡純文熙仲子事繼母以孝聞隨父宦遊四十餘
年依依膝下定省弗愆敬兄友弟內外無間言舉德行著有

竹舍存草寒蟬集崇禎戊寅城陷死節

道光志參
畿輔志

白文傑字英吾號東野少從叔祖靜齋學家貧兼貿易以贍
二親子五人俱以文學知名擬之燕山五桂文傑每誡之曰
凡讀書期明義理敦品行不以科目重也順治八年長子瑤
舉於鄉製衣以進不受曰厚飾必多取多取必敗守孝廉之

南宮鼎元 卷一
名豈易副哉吾閱治國莫若愛民養身莫若寡欲二語言簡
意盡汝曹宜識之尤好讀太上感應篇常曰對此善念自生
先是嘗爲鄉飲賓及瑤貴絕不復赴曰吾愧世之以子而賢
其親者年躋大耋退然抑損不以齒先人含淳抱璞有古隱
君子風焉

賈還素字無染歲貢生侍御多男仲子天性孝友崇禎戊寅
之變長兄還樸効死埤堦間還素求尸原野哀感行路時侍
御公丁內艱感末疾還素內視寢膳外驚烽火日夜憂勞一
病幾殆癸未侍御公捐館力疾襄事戊子母病衣不解帶者
累月姪介伯早卒遺孤孝續甫四十日恩勤教養後遊庠分
半產與之一毫不私壬子選廣文不就年七十九卒

聞斌武庠生膂力過人熟讀七子兵法性至孝當明季兵燹之際母子分散無踪斌方弱冠日夜啼泣稽顙北辰冀有母子相見之日足跡所至無間山川後裹糧赴都門遍行訪覓幸與母遇悲喜交集抱頭痛哭亟歸而謀諸婦典衣裳釵釧贖母還家菽水承歡融融洩洩待母躋上壽極含飴弄孫之

樂

胡志

清高文友字魁儒七歲喪父事母鄭尤謹母疾醫禱弗效割臂肉煮粥進疾尋愈居恆曲體親意嘗有鬻女者市以侍母母卻之跪而請母告以不忍立召其父母還之不責償及母以壽終躬負土成墳構廬墓側終制不歸邑令再三諭乃歸其廬墓時天寒風雪中有老人餉以漿挾一簋甚重遺之去

南宮縣志 卷一
跡之不見人詫爲神貺云雍正十一年旌表

道光志參
姚鈐撰傳

張文炳父疾甚劇思鮮魚時值隆冬文炳急出覓之未數里有鳥銜一魚墜地持之手中猶掉尾烹以進父病愈有井距所居里許水甚甘父母嗜之文炳日往汲懼井壞修之既成烟出三日井瑩遂變爲琉璃至今猶存眾名其村爲孝子張家莊縣令旌其門

魏世興字子隆康熙五十六年舉人天性誠篤仰承親志教誨子弟弟世隆子國珖相繼成進士猶子輩食廩餼入邑庠者指不勝屈會部截取以親老辭不赴己酉弟世隆選固始知縣父命偕往弟患瘧疾延醫調治俟服藥畢乃就寢逾年世隆亦以親老就教遂歸父子兄弟聚首一堂極天倫之樂

父母皆壽踰八十而終世興嚴氣正性秉道嫉邪每講學至惡鄉愿章必曰如某某者卽鄉愿也汝等宜痛絕之病亟猶諷誦見善如不及章謂致遠經方難到而履潔懷清易幾以勉其子年七十有四卒

郝萬全字玉德性孝友事繼母得其歡心撫愛異母弟尤篤遇凍餓者解衣推食無少吝常拾金若干務覓其人還之子珍有隼才勉令勤學及屬纊無它言諄囑讀書而已珍中康熙中舉人授滿城教諭孫琴亦中鄉魁祁州學正皆品端學優教授生徒多所成就

王晨字升若先世有隱德至晨益擴而大之乾隆元年舉人公車三上以少失恃父年高罷計偕經截取知縣得選不赴